

京口八旗志

卷上



寧口八旗志

京口八旗志目錄

序

姓氏

卷上

營制志

建置沿革

額官

額兵

戶口

俸餉

米石

京口八旗志

目錄

馬政

營地

官署

公所

兵房

教場

礮臺

軍洲

祠廟 附寺觀

職官志

歷任副都統

名宦

學校志

學額

附義學

附月課

選舉志

科目

武科

人物志

廕襲

忠節

京口八旗志

目錄

宦績

孝義

文苑

附書畫

方技

附武勇

卷下

列女志

貞節

孝烈

坊表

京口八旗志序

京口襟江帶海上承淮泗
下控吳會西接漢沔東南
鎖鑰實在於茲當孫吳時
已爲重鎮由晉迄明屯戍
營衛各殊其制誠審乎地

京口八旗志

序

一

勢而因時以制宜也我

朝順治十二年海氛未靖

世祖章皇帝

特命鎮海大將軍石廷柱統率八
旗官兵駐鎮江十六年海
寇陷南北諸郡復

命鎮海大將軍劉之源駐鎮江而
規營地於城內西南隅爲
八旗屯兵之所

聖祖仁皇帝龍飛之十有三年定
以漢軍三千駐防京口統
以勦戚大臣其所以惠保

黎元而奠海疆於苞桑之
固者至矣乾隆二十八年
裁汰漢軍始撥江甯掌印
副都統及蒙古六七甲兵
以爲京口駐防自是以來
無或損益兵民相安不異

土著武備旣飭文教聿興
百餘年間科第名流聯翩
而起道光咸豐兩朝頻罹
兵革其閒忠臣義士節婦
烈女尤難以更僕數於戲
此孰非

朝廷豢養之恩啓迪之教之
所致歟元大懼八旗事實
久而無徵不足以傳信於
將來而播

皇仁於遠邇適京口有重修丹徒
縣志之舉本營協領鍾公

瑞善公連等命元秉筆元

不揣固陋旁搜博采編爲
京口八旗志二卷附諸縣
志以備參稽後之君子修
而輯之則斯志之傳與我
國家於萬斯年之盛且相引

於勿替云

光緒五年歲次己卯八月
誥封中憲大夫藍翎候選直隸
州知州光祿寺署丞舉人
春元撰

纂錄姓氏

總纂

掌理京口左司關防左翼協領鍾瑞

欽交軍機處記名花翎掌理京口右司關防右翼協領世襲雲騎尉善連

花翎儘先副將京口委營總鑲藍旗佐領文祿

纂輯

藍領候選直隸州知州光祿寺署丞春元

採錄

花翎世襲雲騎尉白山

軍功五品頂戴領催增元

校謄

京口八旗志

姓氏

一

生

員德本

優

附

生奎照

軍功五品頂

戴筮世興

京口八旗志卷上



營制志

建置沿革

國朝順治十二年以海警

命都統伯石廷柱掛鎮海大將軍印統率八旗官兵駐防京口

屯演武場左右都統居三山書院十六年九月因海寇

焚陷南北郡縣復設重鎮

命都統劉之源掛鎮海大將軍印統八旗官兵共甲二千副左

右二路水師隨八旗駐鎮江鎮守沿江沿海地方城內

圍西南隅文昌儒林黃佑懷德等坊居民房屋分派八

旗屯駐鎮海將軍一員副都統二員協領八員參領八

京口八旗志

卷上

營制

一

員防禦四十員驍騎校四十員額設兵三千名以上俱漢軍缺

乾隆二十八年裁汰漢軍由江甯駐防八旗蒙古兵內

撥六七甲兵一千六百九十二名駐防京口以掌印副

都統領之仍歸江甯將軍兼轄每歲春秋將軍親赴京

口閱兵

額官

掌印副都統一員

左翼協領掌左司關防兼佐領一員

右翼協領掌右司關防兼佐領一員

佐領十四員

防禦十六員

驍騎校十六員
筆帖式二員

共五十一員

額兵

領催九十六名

委前鋒校四名

前鋒五十二名

馬甲九百八十五名

礮手二十九名

步甲二百二十八名

養育兵一百五十名

乾隆五十五年經將軍永奏准添設養育兵一百名共二百五十

京口八旗志

卷上

營制

二

名

匠役四十八名

共一千六百九十二名自乾隆五十五年後並

無增減

戶口

八旗原有男婦老幼共九千餘口道光二十二年咸豐三年兩次軍興後現有男婦老幼六千餘口

俸餉

每年額支銀四萬兩有奇官俸按春秋季支領兵餉按月關支向由藩司解存鎮江府庫按月支領迨粵亂後府庫被毀無處存儲由營派員按季赴蘇請領俟府庫

興建再復舊章

米石

每年額支米四萬石有奇向在丹徒縣所徵漕米內按月動放如遇災眚即在府屬近邑撥放

馬政

各官額馬三百三匹內存價馬一百四十三匹實拴馬一百六十四匹各兵騎操馬三千四百一十一匹內存價馬二千二百七十四匹道光二十三年奉 部議裁各兵騎操馬一百二十匹實拴馬一千十七匹應支乾銀隨餉在藩庫支領其牧馬一節鎮城外向有八旗牧馬官山現因卷案遺失無從查錄

京口八旗志

卷上

營制

三

營地

坐落鎮江府城內西南文昌儒林黃佑懷德等坊由南而北縱五百五十六步有八由西而東橫三百三十三步有二其方圍計四里有三百四十步零

廨舍

公衙門

在公衙門大街

將軍衙門

在將軍巷

副都統衙門

在觀音樓

左翼協領衙門

在水陸寺巷

右翼協領衙門

在黃旗口

官署

原額一千八十間

今建八百九十四間

公所

原額六百五十間

今建五百九十四間

兵房

原額四千一百四十七間

今建三千十間

以上原額官署公所兵房焚毀無存同治三年善後案內因帑項支絀故於原額中撙節核減以後帑項充足請款復建

教場

大教場

在北固山下即明教場癸丑亂後重建官廳築將臺共計二百九十畝有零

左翼教場

在太平橋

京口八旗志

卷上

營制

四

右翼教場

在城內唐頰山

前鋒營教場

在華藏寺後

礮臺

坐落雩山內存紅彝大礮十八位子母礮八位道光二十年調赴吳淞八位二十四年蘇松局解到大礮十位共計二十位咸豐三年移於城內外防守閒有損壞子母礮損壞無存

軍洲

前在漢軍移交儀徵縣屬徵人洲蘆灘九千餘畝除陸續坍沒外現存四千餘畝 又嘉慶年間 奏買縣屬之德興洲蘆灘七千九百餘畝歲產柴薪以濟官兵炊

爨

高資上莊田九十二畝零 又永興圩田四十一畝零
兵房基地十八畝零歲收租項以備祭祀香火兵燹後
尙未開墾

祠廟 寺觀附

京口副都統海昭節公齡前於道光二十二年城陷自
焚奉

旨建立專祠予謚昭節以護印投井盡節之驍騎校祥雲配享
夫人及次孫均附祀祠內 祠在將軍巷

旨建立專祠今尙未建
京口副都統長安前於咸豐四年積勞病故奉

京口八旗志

卷上

營制

五

京口副都統綉閣前於咸豐六年在高資陣亡奉

旨建立專祠今尙未建

京口副都統巴棟阿前於咸豐十年奉

旨署江甯將軍咸豐十一年因防堵積勞病故奉

旨建立專祠今尙未建

京口副都統海壯節公全前於同治元年陣亡奉

旨建立專祠子謚壯節祠尙未建

國澍京口鑲白旗人署四川新甯縣事城陷捐軀奉

旨建立專祠其胞弟國富及家丁等一併附祀祠尙未建

忠烈祠 在將軍巷

節烈祠 在將軍巷

關帝廟二一在大市口北首
一在西府今廢

文昌閣 寺在水陸巷

彌陀寺 在演軍巷南首

華藏寺 在竹竿巷
燬於兵燹

崇福觀 在紅旗口

五神廟 在唐頤山上

蕭王廟 在獅子巷

吉祥寺 在將軍巷
燬於兵燹

水陸寺 在水陸寺巷
久廢

職官志

歷任副都統 咸豐三年以前無案可稽

京口八旗志 卷上

職官

文藝 京城人

長安 西安人

致祥 京口人
署理

都興阿 京城人

哈福納 熱河人

萬成 京口人
護理

綳闊 京城人

順喜 京口人
護理

巴棟阿 黑龍江人

海全 黑龍江人

杜戛爾 黑龍江人

富和 吉林人

魁玉 荆州人

富陞 黑龍江人署理

文光 京口人護理

連步廷 灤州漢軍

延康 京口人護理

恆惠 羅覺

海英 京城人

名宦

海齡字蓬山山海關駐防由直隸中軍副將隨湯威將軍那公彥成攻勦滑縣教匪首先登城

京口八旗志

卷上

職官

七

賞戴花翎陞陞西安江甯及京口等處副都統任京口未久英

人違約窺伺上海公以城險兵單

滿營大小甲兵一千六百餘名青州協防

滿兵四百名綠營兵數百名

上章求助又請圖山以下攔紮木簿惜

皆未遂其志迨番舶入境公親冒矢石率兵堵禦七晝

夜及城北十三門已破猶率眾死戰三時之久力竭回

署夫人及次孫業已投縲公喝令舉火將屍焚燬遂向

北謝

恩躍入烈火亦自焚死後有以逃出為僧 奏參者

欽派督臣入城查驗署內灰燼中枯骨三堆猶剩夫人玉環公

葛紗袍襟一塊防禦良成實親見之

朝廷褒其見危授命大節無虧

勅建專祠子諡昭節

綳闊黑龍江旗人由侍衛隨科爾沁親王僧 勦捕捻
匪及粵逆克銳攻堅所向無敵賊咸畏之以功

簡放京口副都統時江南吉撫軍圍攻鎮郡粵逆功在垂成公

到任後周閱各營謂左右曰僧王身佳帳棚布衣粗飯
親冒矢石與士卒同甘苦今各軍飲食起居殊不相類
且事權不一竊恐有變月領薪水則自披其頰曰城在
目前不能克復空費

國帑豈不愧顏薪水有餘則增修營壘或賞給士卒未嘗

稍入私囊其待人最寬其律已最嚴大敵當前而不驚
日夜勤勞而不倦及高資等營被困撫軍親率小隊深

京口八旗志

卷上

職官

八

入救之公聞急保其後路隔水之一橋撫軍請救公謂
左右曰吾若不往是怯敵也若往則此橋一失後路斷
絕吾軍必不能生還矣乃渡橋奔救後以衆寡不敵撫
軍陣亡或勸公回騎公曰吾與撫軍同入義不獨生遂
力戰陣亡衆軍無歸路遂大敗果歷歷如公言事聞奉

旨建立專祠

按公實與吉公同時死金山吉公祠碑記謂公先死者傳聞之誤也

巴棟阿字修田黑龍江滿洲正黃旗人由部委防禦出
兵喀什噶爾殺賊立功歷陞甯古塔副都統調京口副
都統適粵匪據鎮江公與前湖南提督余萬清設法合
圍攻復鎮江

賞戴花翎署江甯將軍又與廣西提督馮子材同守鎮江公知